



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Sacrificio Missæ Expedite Celebrando Libri III

Tamburini, Tommaso

Coloniæ Agrippinæ, 1661

Duo privilegia concessa post hæc decreta de celebratione Missarum, num.
14.

urn:nbn:de:hbz:466:1-41878

13. Quartum Privilegium concedit pro qualibet Capellania quotidiana Missæ, celebrari Missas quatuor in hebdomada. Id quod ideo concessisse Pontificem mihi credibile est, quia Capellanix illæ tenues erant, & exiguæ; reduxit igitur ad rationabile stipendium, ut scilicet, deperditis forte Capellanix redditibus, auctis rerum pretiis, &c. fieret justa Missarum reductio, id quod decernere ad Sanctam Sedem pertinere, nunc explicitè declaravit §. 1. n. 7. Sacra Congregatio.

*Duo Privilegia concessa post hæc
Decreta de Celebratione
Missarum.*

14. **D**ubitabis Secundo. An post hæc Decreta sit aliquod Privilegium de hac re concessum Regularibus.

Respondeo, esse duo; Nam Primo Urbanus VII. anno sequenti post

post evulgata dicta Decreta, id est, 13. Julii 1626. concessit a Procurator Generali Minorum, ut legata Missarum perpetua exigua, & oneri annexo imparia ad rationem quinquaginta scutorum monetae Romanae (quae unciiis circiter viginti Siculis respondent) pro qualibet Missa quotidiana, reducerentur. Vides Summum Pontificem nequaquam liberè disponere de Fidelium bonis, sed solum concedere, ut taxentur Missae ad rationem justis stipendi.

15. Secundo idem Urbanus VIII. 6. Augusti 1639. approbando Constitutiones Fratrum Minorum concessit, *b* ut in, in primo eorum Capitulo, Missas, quas habent annuas quotidianas, reducere ad rationem sexaginta scutorum annuorum. Quod Privilegium eandem habet explicationem. Neque te offendas modo

a Peyr. 2. 2. const. 5. Urbani VIII.
 Marchin de ord. tr. 3 p. 2. c. 20. n. 7. b
 Lezza v. Missa, n. 31.

modo quinquaginta, modo sexaginta audire; stipendia enim hæc, admodum pretii rerum, habent Medium, Infimum, & Summum.

16. Sed petet quis, An his duobus Privilegiis fruantur alii Religiosi participantes in Privilegiis.

Concedit Marchinus. *a* Negat Lezzana. *b* Ille, ob rationem universalem, quod participantes communicant in Privilegiis concessis, & concedendis. Hic, quia putat hæc non esse Privilegia, sed reductiones particulares, quas Pontifex ad petitionem particularium fecit, quæ certè alijs non communicantur. Secus, quando Pontifex concedit v. g. uni Conventui alienationem alicujus boni immobilis, concederet omnibus participantibus. Adde quod jam amplius hi Religiosi non tenentur adire Pontificem ob reductionem Missarum, cum ipsi possint

a Marchinus dicto n. 7. *b* Lezzana d. num. 3.

sint facere , & tamen praxis est in contrarium.

17 Sententia concedens est probabilior quoad concessionem allatam n. 15. Ratio est, quia illa Privilegium est, non vero reductio, nam non reducit ipse Pontifex, sed dat facultatem reducendi, & quidem per Diploma approbans Constitutiones Fratrum, id quod satis ostendit esse concessionem universalem. Ad id, quod additur, Respondeo Primo, esto propter reductiones Missarum quotidianarum illi non obligarentur ad Pontificem confugere: obligarentur tamen propter alias reductiones non quotidianas, & quando reductio instat, ut fiat extra Capitulum. Sed Respondeo Secundo, concessionem solum loqui de reductione facienda in primo Capitulo, & non amplius; quare si occurrat facienda alia reductio post illud Capitulum, certe ad Sanctam Sedem erit recurrendum.

S. V.